

嘉慶松江府志

松江府志卷三十一

學校志

華亭縣

縣學在府治西南徐家橋之東

舊邑人徐進義塾也學始建於宋元祐中在今府學後

玉帶河之陽尊賢坊內端平閒遷於河之南以其地爲

閱武亭及學陞府學復建縣學於舊址

郭志按楊維禎記縣學本燕居

之所則闔武當爲燕居周伯琦府學記十九年作燕居

堂於學北不言舊爲閱武今按徐碩至元嘉禾志載燕

居書院在今府學教授廳之左卽縣學舊基而爲之則燕居堂亦爲燕居書院也元至大初知縣劉慶作夫子廟延祐中知縣張國英作講堂至正中

知縣楚恭張德昭相繼繕治十六年丙申學燬於兵以
其地爲府學射圃

至正九年重修學記 華亭縣學在府治東南二百
步宋端平中縣令楊公瑾之所開拓堂殿齋舍廊廡
庖廡具焉至國朝縣陞松江府學亦陞府學士田儒
籍皆隸之興復立預宮於府庠北舊燕居之所也至
大初劉慶來典邑始構大成殿并儀門兩廡延祐已
未縣令張國英復構講堂設祭器至正癸未縣令楚
恭修櫺星門繕以崇墉而學之規稍完歷年未久而
棟宇有弗支者其址尙湫隘周旋升降有弗堪者至
正九年春縣長養安海涯縣令張德昭命教諭王倫
謀更作之乃告丞簿帖木兒不花兀都馬沙俾諭邑
士願新學校者聽於是澗山謝庭蘭與其姪晉井力
從事經始於是年之二月閏三月而告成大成殿增
闢後室殿之側創學官廡又前後築石塘以捍水凡
柱石之敲傾者正之椽櫨之朽蠹者易之丹青之漫
漶者飾之旣竣事徵記於余余書悼井牧問師之廢
後之爲治者亦難矣貧富相縣雖使卑陶持刑不能

禁躐不侮弱倫理弗明雖使姬旦制禮不能革賤不
借貴此非故何韓哉而不知治本者視學校如傳舍
令無實政師無實教士無實學而望風俗之美人才
之興不亦難乎華亭古號文物之邦而其地卑下沮
如民性輕戾而媮靡今邑侯以興學校爲先務師儒
以作成士類爲急功邑之人士又能不負循令長賢
師儒教養爲實學吾見復舊時文物之盛而無其輕
戾媮靡之風且使他邑於是乎勸令之得治名者不
在是乎楊

維楨記

明洪武三年知縣馮榮奉詔立學始卽徐進義塾爲之

德進字鄉七年知縣周朗作大成殿知縣祝予憲以學舍庫

陋廓而新之乃屬徐進子彥裕力任其事王逢梧溪集題徐氏新學

卷有令尹發揮新學記賢郎繼述舊家聲句又云於是
彥裕上陳願斥而大之首邑有學徐氏父子力也

明倫觀頤二堂博文約禮二齋繚垣翼室習射之圃凡

學之制悉備九年知縣朱直作知本堂二十年大成殿
壞御史黃克庸新之永樂十五年學舍壞明年知縣高
宮重修宣德元年巡撫大理寺卿胡槩改作明倫堂復
爲堂於其後勝曰進修正統四年推官楊政重建大成
殿新戟門及兩廡八年癸亥知縣李希容建觀德亭教
諭程完義訓導胡穗趙建相其役成化八年知縣戴冕
修殿廊飾聖賢像重作明倫堂及齋門廡撤觀頤堂而
徙觀德堂於其後新教官宅增修號舍二十有五間學
三面緣河皆甃以石闕於其南跨河爲亭曰希顏曰志
尹立科舉題名於儀門且爲之記宏治三年知縣汪宣

增拓學宮撤興賢育才二坊而建以石於中爲石梁跨

河而南爲泮宮坊坊之南爲亭重檐八觚

乾隆某年舉人單乾元欲

復舊觀捐貲重建提臣某以地近箭道俯職衙署阻之遂輟

顏之曰聚奎科貢題名

其上其南爲泮池池外有積水五泓

今潭水尚存在三台山卽俗呼筆架

山是也

左右爲外號線以周垣環植檜柏自遷學以來增

拓凡六至戴而規制始宏至是而大備七年知府陳讓

建崇文閣於講堂後其址故進修堂也八年知府劉琬

復射圃於學之東中開廣術徹於橫街曰鴻達於是宏

敞壯麗甲於他邑矣嘉靖元年知縣聶豹重修萬歷五

年知府賈待問重修二十年知府詹思虞知縣項應祥

重修天啓間知縣徐尙勳重修崇禎元年知縣鄭友元

重修

曹容新學記 華亭舊學在今府治之南自元至元開縣陞爲府學亦隸焉縣是改燕居堂爲縣學後厄於兵燹今之學則徐氏義塾也初縣人徐進始創於縣南劉私田一萬畝有奇招延明師以淑子弟西建大成殿堂廡戟門春秋祀先聖先師至我朝始更爲縣學及教諭東宗癸訓導胡鉉金聲朱武李象賢相繼至修廢舉墜思作新未就洪武七年春郡守王公文貞祗謁廟庭退而延師儒講經義諸生升堂揖拜肩摩踵躡不容周旋乃與知縣祝子憲議廓而新之進子彥裕聞而請曰此吾先子志也敢不身任其責郡守嘉而義之於是拓學東地重建明倫堂三間夾以翼室創東西齋重門兩廡練以周垣高爽明壇輪奐翬飛論講有堂肄業有齋藏修有室與夫習射之宮庖福之廬靡不畢具未幾知縣朱直來視事學校之事知無不爲作育後進增光前人縣是華亭之學遂甲於他縣矣時教諭曹宗儒訓導錢震謝南

萬權實主之董是役者沈文進也予謂學校之興發
關世運之盛衰曩年學廩充溢悉爲游食所蠹職教
者鮮有易一椽加一爨者今以枵然之宮而氣象一
新如此是雖賢守令之所舉倡徐氏父子之所經營
其亦斯文氣運之所關與

洪武十年春二月初吉

王緜知本堂記 緜之友曹公仲博典教華亭取朱
子福州經史閣記中語名其燕居之堂曰知本緜竊
觀朱子於聖賢之書講論問辯本末先後毫分縷析
無復餘蘊及其教人又必使知爲學之有本不待求
之於外而後可庶幾焉上蔡謝氏自負記誦該博程
伯子謂其玩物喪志及觀伯子讀史則又不差一字
是固不可與迂生曲學者論也師弟子登斯堂而游
焉親感契會知其切已而不厭不倦從容有得焉則
其所至何可量哉堂作於洪武九年實知縣朱侯建
教官廨之中一室也侯廬陵人名直字子良曹公名
宗儒永

嘉人

袁凱修殿記 洪武二年詔興天下學校三年知縣
馮榮始遷於此而大成殿庫隘弗稱七年知縣周朗

始命邑民鄒德方徐均德更新之不數年而圯今年
春風雨大作自中棟廡廊一夕傾圯適監察御史臨
川黃公克庸至郡展禮廟堂顧而歎曰茲非我之責
邪時池陽李啓先來主簿卽命董其事知府雲南何
錫知縣劉均俊相繼至各捐俸以倡而鄉之好義者
張宗周思誠等亦以貲來助於是鳩工聚材傾畧者
正之腐撓者易之覆之築之塗墍丹雘之至於葺兩
廡新文昌祠昔未備者今皆完美凡四月訖工諸生
俾凱記之時以訓導攝學事其敢以荒陋辭竊惟百
工之居肆則志不遷而事可成今風紀之司臨沿於
上賢有司倡率於下以致輪焉奐焉賸茲清廟肅瞻
聖容有得於觀感之間而興起焉賢才輩出使江海
之上謫然有洙泗之風無負國家教養之意則自今
日始也洪武二

十九年九月

胡儼重修殿記

洪武戊辰予初典教華亭釋菜之

日周覽學宮自殿宇堂齋以至門廡庖廩之所規制
整肅締構完固仰瞻聖殿文采煥然蓋予未至前訓
導李處仁所作袁訓爲之記於六年以內艱去固巋

然也自初建立距今五十餘年海濱多颶風雷雨震蕩拔木飄瓦繇是昔之巋然者至敵棟椽梁腐桷墜簷典教事錢塘楊益舜江陳賓廬陵胡德深以爲憂廬陵楊君惟敬繇監察御史來與松江府刑獄慨然有志更作謀諸郡守趙君於聽訟之際簡閱平民情有可矜法有所疑悉從寬貸俾就於贖積二年凡得材木輒斲若干及工人之費百需之具充乎有餘遂度材庀工經始於正統二年冬十一月落成於四年十月奠之崇高加故十尺深廣各加八尺規模改觀輪奐一新惟敬與學之師徒謂予昔嘗處此求爲之記予惟諸君之從游於斯者肅瞻聖容有所觀感退而致力端其趨向將見道德明秀之士彬彬然胥此焉出庶幾不負朝廷教育之恩守令作興之意惟願奉揚之美予雖衰老與有光榮引領雲間寸心千里諸君幸

勛之
錢溥修改廟學記
吾華亭至元陞府以學爲府學其縣學遷於舊而燬於兵爲府學射圃洪武二年始遷今學蓋奉聖祖開國之詔也正統間推官吉水楊侯政增葺正殿兩廡允稱而堂齋門道日就朽腐不

可復文師生不升立者有年矣成化五年春戴侯來
知縣事遂日節廩撥公用之餘重修殿廡及聖賢像
講堂福小廓而增高廣與深倍之兩齋翼然門廊歧
然觀德堂舊在堂東今改於殿側公廡二在學外之
橋南今鼎立於中門之左增修號房與庖馭庫庾若
干閒芟其蒙翳焚以甃甃爲岸爲闌爲兩橋咸以石
而亭於橋上左曰希顏右曰志尹規模宏壯金碧翬
飛於是學論陳章司訓陸顯袁充請爲記夫華亭遷
學已踰百禩而久安於庫陋一旦成於戴侯不謀於
上不煩於民煥然宏構傑出於羣望之表異時戴侯
稱循於史傳殆於是有一成焉侯名冕字廷章巴縣人
舉四川癸酉解試第一成化九年歲在癸巳夏六月
朔旦

石

錢福崇文閣記 華亭爲學百三十祀歷五增葺拓
而愈宏建而愈信凡學制宜罔或漏惟時昭宣天子
之文光登崇聖賢之教典俾升者暢鬱洞隱昌其氣
以俊其志則固不可無喬聳特峙者於其間於是教
諭盧龍楊君濟民圖閣焉會監察御史劉君宗敬來
視學經始厥事工興未幾代去郡守陳侯遜之至益

力助之閣用以成地爲進修堂舊基撤屋前堂
後河左息右射傑然一奇勝也又踰年丹墀開悉
具侯落而命之日崇文文之時義大矣哉觀乎人
以化成天下華亭稱文獻而學校科目崇動峻階
累相望莫盛於我明而尤莫盛於今日作而延之承
而宣之非侯其孰率先天下以進輔人文之化乎若
朱紫陽稱斯文未喪在孔氏而文學子游爲吳人得
其道之英華魏鶴山悼邑人不知祀陸宣公爲三代
以下所未有之人物錢文通辨衛文節公之爲邑人
其表章正學力持國是可謂無愧於斯文所者尙知
所感而依者抗衡五岳競

耀三辰茲其階級是爲記

徐階修學記 雙江先生永豐縣公知華亭之二年

百廢具興上下胥悅乃修學宮葺故創新具有成績

天子徵公爲御史又晉公作伯於蘇而於時尙未有

刻石已丑春姚江陳君來以鄉進士乞典學事始拜

命階爲言公作學勤導士懇有古循吏風君歎且慕

久之比至肅瞻廟宇周視饗舍旁稽載籍博詢黃耆

謂雙江公之功前此未有乃相與礮石構亭謀徵文

史氏今年春階以謫歸請日子昔言雙江公作學之

勤而導士之懇也。徠今得覲而考焉。修大成殿以崇本。修明倫堂以崇教。作名宦鄉賢祠以端執作講堂。作號樓以居業。信哉懇矣。乎知雙江公者。莫如子盍。爲文以記。階昔受業公之門。又親見公之修學及官。翰林嘗欲爲公作記。而公以書止曰。是有司之職。不。足以示。今傳後。惟仁義忠孝。吾與子朝夕所議論者。苟無負吾言。則所以爲惠也。階拜而識之。不敢忘。夫。仁義忠孝。公之爲政於茲也。亦其作學而導士者也。公名豹。字文蔚。修學之歲。爲嘉靖壬午。

徐階又記。正德間。貞襄公筮仕華亭。以理學教。多士。願瞻學宮。喟然言曰。夫士不知學。士之恥也。學。有宮而不修。吏之責也。偏視其棟宇。桷楹之傾圮者。葺之。丹碧。髹漆之。漫滅者。新之。又爲闢射圃。建名宦。鄉賢祠。增置號舍。俾士之力學者。居之。當是時。茲誦。之。聲。禮讓之俗。孝友忠信之行。焉然。與鄒魯同。予爲。諸生。所親。賂聞也。其後。倭夷寇海上。有司日殫力於。兵食之務。勢不暇顧。學宮而教亦日以廢。墜子罷政。歸未嘗不與知舊。追思。公恨未有能繼焉者。去年。秋。貴陽孫君枝華。以鄉進士。高等來爲邑博士。始率。

其僚朱君印梁君夢鼎具狀於郡守賈侯待問侯毅
然任曰是固在我時貳守開西杜君鴻司憲浦川范
君守已與侯同志而相繼署邑事遂屬二君者經度
其費之所出役之所宜先後相與出贖金徵典史李
集督修焉工且半賈侯遷曾侯如春至會鄭君仁
君復署郡邑相謂曰學之修未幾去會鄭君杜君
同時署郡邑相謂曰學之修未幾去會鄭君杜君
其篆責其可辭策吏課工爲之益力別駕廣右蔣君
守成陽曲雷君應志又各以其職相廟之殿廡學之
堂齋前門後閣左祠右圍內而廡舍外而亭垣嚴整
華彩舉無異聶公時於是三博士以記來請予告之
曰昔聶公嘗語予聖人之學以萬物爲一體故恆視
天下之人猶其身視天下之事皆其事而後世則務
以自利自私故率舉而外之忍視其顛連敗壞忽然
莫或顧惜此其弊不可不急救而其原不可不早辨
也予拜而受教學之有官吾徒所以崇孔子而祀之
又相與習詩書禮樂於其中者也顧或忽而不修使
無以享俎豆之奉攻講誦之業其待師與友如是則
於民之居可知矣政教始於學學之修視廚傳筐篚
之費會不能百一也然而彼爲之而此不爲則於民

之事可知矣民將何賴於吏國亦何資於大夫士以治哉此其故自私自利之心勝也今諸君子協力以修葺已異乎前所云矣土幸生於斯學於斯又幸有諸君子爲之修學以示風勵願於聖人之學可不知所事哉予不敏謹爲邑諸彥誦聶公之言以證孔子之訓使知所從事於學然非三君敦切磋商之因次

其語

爲記
陸樹聲重修縣學記略
華亭之有學自國初至孝廟庚戌增拓者六殿堂齋廡祠宇以次咸備南跨河爲梁梁之南爲坊爲亭爲池池之南爲泓者五以象五星則邑侯汪公始開大之逮郡守陳公創開崇文於是學之規制始甲東南名鄉碩彥絳之而起者炳曜後先自余隸諸生居業於茲歷仕進以暨謝歸越歲數十斯學之尋敏尋新者亦無慮數四迺其疆徹之極莫甚於世廟季年僂奴內訂守土者迫疆事未暇議復葺迄於今幾四十年萬歷壬辰平昌項侯應祥以奏計還首議及之爲請於郡侯詹公裁酌奇贏度費所從給乃慎簡董事者鳩工庀材諏日經始不三月而告成官牆殿閣坊亭齋舍煥然一新復卽

其南濬吳源杜旁徑累土爲山就其南爲溝以衆風
氣諸所興作因舊鼎新一出侯經畫侯爲政持大
禮以循吏著稱尤加意學校其敏於事而不煩若
此是舉也開府劉公應麒直指甘公士份郡伯詹公
思虞學博徐君汝晉司君表董其事者則監生顧正
倫以其先大參中立之發迹於茲也而拮据從事不
愛餘力法

當備書

天啓口年修學記略西吳徐公泄治吾邑下車以
後尤加意庠序凡茲歌之室俎豆之宮以次鼎新捐
餼之外悉覈逋役金矢之入俾歸簿正僇功不日輸
與告譯於是博士凌君偕其僚徐君莫君礪石請記
余竊有慕於古循吏之治未有不以經術飾政術者
也周禮大司徒以六職安民其最重曰聯師儒學記
曰安其學而親其師樂其友而信其道故文翁之爲
蜀郡也修起學宮化比齊魯以至鮑德之爲南陽范
甯之令餘杭李栖筠之爲毘陵常袞之觀察八閩數
君子者或當揆文厭法之日或當驍兵樂武之時而
能從容講求奮身砥柱卒使聖緒載行憲矩大宏後
世治先武健汲汲務焦赫之名草菅其民而蠟燭其

士講堂之前曾不足迴其一顧而望土風之醇士氣
之振也難矣公不下堂而明徹蒞屋不傷忍而利朝
大觚翦棘而滋蘭芳斬艾而開李徑以廉生威故威
不褻以仁生惠故惠不私無論鄉邑之秀瞻景光赴
洪印卽四遐之阪谷居澤聚家若佩以騰王人若曉
以詩書徒手輕矜爲之一變是能養民而兼敷教者
也是以醉飽爲循吏者也非偏智專器而宏博知務
大臣之度也公爲巨棟而一時師儒如凌君輩丹楹
青樓以次收用黼黻既具雲漢爲昭豈惟峯泖之靈
磅礪暢發哉徐公名尙動德清人凌君夢陽鹽城人
徐君宏祖吉水人莫君天瑞長沙人光祿寺卿陸彥章記
崇禎元年修學記略 國家稽古右文顓俊登賢以
黼黻郵理內隆國學外重泮宮吾郡襟江抱湖枕峯
原海爲留京三輔股肱地而華亭尤號巖鉅士挾一
經起里選自效於天子之廷者往往垂芬竹帛策名
釜鍾入明以來於斯爲盛矣乃每當三歲一上賢書
逢年之雋歌鹿鳴而與計偕廣至數子而盈寡或一
夔而足豈徒世隆世替氣數適然亦崇儒重士表章
而作新之其精意殊也邑侯鄭公執要博本尤加意

學宮遂出飲水之俸大加葺治首事郡學檢與一新
嗣修邑庠庀材鳩工百廢具舉公復身自董成而言
言翼翼廣術華棖粲然爲百年未有之觀矣公廉操
介節如霜松雪柏孤清凜寒虛明洞物又如秦鏡高
空幽微畢照至其尊道誼正經術則又如登流於源
而養玉於璞推行廣厲至意固可垂之無斁也昔有
漢元康神爵傳多循吏而獨文翁之化蜀使蠶叢晷
霧之國永耀文明爲千古循績之冠况以吾邑之晶
華而重以公之隆慈士之陶淑而風雲景從者寧有
既哉侯名友元號其山湖廣京山人學博濬君元華
吳江人蔣君克恭貴州
人大學士錢龍錫記

國朝順治十二年教諭王道光修 文廟明倫堂及門廡

公廨重建啓聖祠崇德堂十三年析婁縣凡修葺兩邑

共之自是二十餘年久未修葺康熙十九年教諭路序

項亮臣焚香誓廟請於太守魯超捐俸營建郡紳施維

翰助貲三百金不一載告成規模宏敞有加於舊又增
修明倫堂崇德堂及官署輪奐改觀焉二十五年江南
提學副使邵嗣堯知府魯超知縣南夢班婁縣知縣廖
慶辰修二十七年颶風壞學舍訓導高文炳倡修五十
八年提督趙珀捐修雍正十年知府王喬林知縣朱元
豐婁縣知縣沈維垣修乾隆二年知府汪德馨知縣王
士瑾婁縣知縣胡具體及合邑紳士捐修三十一年知
府徐名標知縣吳家駒婁縣知縣謝鎮藩重修邑人張
景星董其役嗣後久未修葺廟學傾圮嘉慶十年知縣
周煒請於知府鄭濟燾集議興修會有撓之者工久輟

閱五年庚午始告成殿廡門堂之屬木石一新雖修猶

建紳士沈虞揚袁以仁等尤爲終始出力云

國朝

奠縣汝諭項亮臣記略華婁兩縣以順治十三年

分治縣界而學則共之亮臣於丁巳秉鐸莫岸謁廟

之日入賢宮則頽垣半壁趨戟門則故址僅存視兩

廡則平蕪一望瞻聖殿則破瓦數椽因請於郡守魯

公適督學邵公來兩學合力詳籲飭修邵公念其祖

五泉公曾爲華學司訓倡捐百金又得魯公之請予

以兩縣學租二百七十兩時提督王公與後督學劉

公又各有助魯公獨捐俸一年以爲倡率兩邑侯亦

捐廉二百及在籍紳士量力而捐時華紳施現山任

浙閩晉築聞之亦寄捐銀以襄贊焉爰紀其始末

特講顧成天記略邑惟華亭爲最古順治開分而

爲婁雍正建元後又析爲奉賢金山四縣共一學所

繁豈不鉅哉廟建自洪武修於康熙二十五年項亮

臣有記今復五十餘年新者故者此非敏練誠篤
以衆士之心爲心者鮮不迂其務爲不急乾隆二年
學使者張公於試事竣後周歷審視諄諭捐修而俞

天子

茂才等四人董其事自大成殿及明倫堂重建學門

皆堅緻而費省

方臨雍釋奠禮行於首善之地達於山脈海澨莫不

共欣作觀四縣之學適煥然改觀峯泖人文可無念

愛人身使之方敷茲役也學使張公倡率之賢守令

司鐸贊襄之各紳衿義助而俞陳單張諸君獨殫力

經營之例皆宜顯

書以爲後來勸

華亭析爲縣者數矣最附近爲

學政曹秀先記略

華亭析爲縣者數矣最附近爲

更爲之卽今學宮址也婁其共焉者也往者奉賢亦

共之今依其縣治而別建焉華亭與婁永承共之學

與郡學俱在松江郡城中歲月既多修葺未備先是

權知府事李捐俸倡修郡學并欲兼修縣學以去任

事不果行今太守徐慨然任之爰率華亭縣李婁縣

謝是諮是議酌經費定規條延兩縣薦紳董其事者

各十人郡學之舉惟華亭薦紳是任兩縣學之舉則

婁縣薦紳實肩之學宮外環河東偏爲學廡廡西爲

大成殿殿以下爲廡爲戟門爲靈星門啓聖宮在其

東又東曰明倫堂崇德堂堂左右爲名宦鄉賢祠其

制與郡學略等鳩工庀材不日趨事經始於乾隆乙酉冬迨今丙戌夏歲事費不煩民膏不中飽輸焉兵焉燦然與郡學相輝映於九峯三泖間此固賢守台薦紳先生力也秀先校士松郡行釋菜禮衆觀厥成且頌雨邑人日誦誦於禮經之學記並會王諸學記蒸蒸然以成斯學之美以副長官之盛意而使者會逢其道而作是記庶有光乎

廟制

大成殿奉祀

至聖先師孔子東西配位東西哲位東西兩廡從祀先儒

先賢位

詳府學不具載

正殿五楹前爲月臺掖東爲洗尊所掖西爲祭器庫東西兩廡各九間又前爲大成門列戟如制其外爲

靈星門爲泮池東西二坊左曰禮門右曰義路 殿

東北爲崇聖祠 殿東南爲齋宿處

扁曰近聖人之居

殿後有冢爲明殉節諸生戴泓等三十餘人叢葬處
儒學門在靈星門之東進爲崇德堂名宦祠在左鄉
賢祠在右又進爲明倫堂其東爲忠義孝弟祠又東
爲三賢祠 文昌祠在戟門右土地祠在學大門東
尊經閣在泮池南

崇聖祠

奉祀位暨四配東西從祀位

俱同府學不具載

文昌祠

明洪武二十一年御史黃克庸建祠於戟

門之右萬歷四十六年知縣方允儒重建

名宦祠 祀宋華亭令楊瑾明華亭知縣馮榮蔣惠

華亭教諭胡儼華亭知縣楊昕朱執中華亭教諭段讓許以明應天督學御史婁謙應天督學御史章袞松江知府何鼈府學教授程燦松江推官姚唐蘇松兵備副使任環華亭知縣熊劍化章允儒巡撫應天都察院右僉都御史周起元華亭訓導邵繼稷

國朝婁縣知縣李復興史彬華亭教諭尙元調

內楊瑾朱執中許以

明章允儒邵繼稷尙元調
六人釐正新增餘皆舊志

鄉賢祠 祀明葉宗行任勉之陳詢張璠夏寅宋瑛張悅張瑩曹時中張弼周佩顧清吳稷高博張昕張

宏宜徐黼李希顏李儒曹閔唐珣郁山楊允繩包節
包孝沈愷孫承恩徐階高士周思兼馮恩莫如忠張
萬幾唐自化陸應寅陸樹聲蔡汝賢馮行可張履端
張軌端林景暘王明時吳炯徐三重俞汝爲王孫熙
方應選唐文獻錢大復陸彥禎楊繼禮顧正心錢士
貴沈時來

國朝唐允振唐昌世沈荃周時儀周茂源袁士仰袁國梓
王藻鑑王廓王廣心王九齡王鴻緒張尙文張淇張
集張彙張照吳士升吳元龍黃元佳何汝闕

徐階名宦鄉賢祠記略 華亭名宦鄉賢故未有祠
祠之者今監察御史邑侯永豐縣公也公舉正德丁

丑進士來令茲邑博采史乘參互舊聞得前尹某輩
宦之最聲者幾人某官某輩鄉之最賢者幾人將
祠諸學宮以風勵民俗歲適大稔費無所出公捐俸
鳩工太學生陸岳金山衛學生劉因聞而奮焉即公
所規地建祠二間左爲名宦右爲鄉賢祠之前舊有
隙地復就其兩旁各建樓五間爲弦誦游歌之地閱
五月工成時嘉靖壬午仲秋朔也論一年公擢
去諸生沈某輩相與思公乃徵文於余以爲記

忠義孝弟祠 雍正元年令州縣各建於學宮原祀

孝子張之普汪思遵汪顯曾趙珩汪嵩年五人乾隆

四十一年有

詔追諡明末殉節諸臣凡得諡者俱奉

旨入祠應祀者忠烈沈猶龍忠烈孫士美忠愍王域節愍
章簡節愍吳嘉允忠穆張肯堂忠節王鍾彥節愍朱

永佑忠裕陳子龍忠節夏允彝節愍夏完淳忠節李
待問節愍施溥節愍宋天顯凡十有四人其士民殉
節未得諡奉

旨一體入祠應祀者孫訥戴泓徐念祖夏之旭又

國朝崇祀沈天成姜澄秦曰旦

祠祀乾隆五十二年知縣謝庭薰重修

按謝啓昆刻勝朝殉節諸臣錄有包鴻策華亭人官知縣而陸秉笏予諡諸臣贊失之莫是驛華亭人而謝氏誤刊他籍婁志均未載入允宜增祀以慰忠魂

教諭署 舊在學宮東偏乾隆四十九年教諭荆汝
翼改大門東向在鴻遠街嘉慶七年教諭顏廷耀重

修郡人吳省
錄有記

師生員額 大清會典載額設教諭一員雍正五年

江蘇巡撫陳時夏奏准分撥奉賢學生童額數後華
亭學廩生十名增生十名附生武生無定額入學文
童十二名武童八名乾隆三十九年江蘇學政彭元
瑞奏裁金山衛學撥增華亭學廩增生各四名文武
進額各三名歲貢舊制兩年貢一人分奉賢縣後以
兩學廩次合計充貢乾隆十九年江蘇學政雷鉉奏
准兩學四年各貢一人拔貢十二年一舉華亭奉賢
合拔

學田 元末學爲徐進義墾凡割私田一萬畝有奇

以贍塾後改爲縣學田散佚不可考明嘉靖四十五年縣人刑部侍郎徐陟助田二百七十四畝有奇萬歷十一年知縣陳秉浩置田三十六畝九分十二年邑人董晉助田四十二畝有奇二十四年知縣張繼桂始以入官田贍學自後兵備副使周墀知縣熊劍化知府張九德知縣章允儒巡按御史馮英知縣鄭友元相繼行之凡爲田六十一畝有奇二十六年邑人太僕寺卿林景陽助田九十八畝有奇二十七年邑人知府徐琳助田一百五十畝尙寶司丞徐肇惠助田三百五十畝有奇四十一年巡撫徐民式推官

吳之甲置田九十二畝有奇天啓五年邑人按察副使宋本洽助田一百畝有奇

今按華亭學田除散佚及撥分外實存田五百零二畝有奇餘詳邑志

華亭學公占基地 共三十五畝二分九釐九毫免科

九峯書院 在府治西北邑士衛謙創後趙驥以宋李綱生於華亭請立書院以祀議者謂當祀於此今廢西湖書院舊址在今合掌橋南演武場北陳志在西湖中洲宋時建泳波亭於此後爲放生亭元元貞初知府張

之翰建中有燕居樓以奉

宣聖遺像

縣初陞府改燕居堂爲縣

學之翰記謂混一以來夫子燕居無所故樓以奉之謂此

大德閒燬邑人邵天驥

重建元統甲戌知府申秉禮重修遷姚氏義塾其中

以便來學一時生徒甚盛至數百人至正中於此築

城遂廢

續志瑁湖東洲有環碧亭與中洲相望今中所演武場後有黃冠居臨水近城曰西湖道

院疑此卽環碧故基面其西城濠乃書院地也

知府張之翰西湖書院記西湖在天下三日頌曰許曰杭皆有之名天下莫杭若蓋地靈人力交相勝

也余知松江之三年登郡西南放生亭基在水中央問其水此西湖也竊惑而考諸志西湖乃瑁湖背爲

陸氏養魚池宋爲放生池或傳此卽谷水水有共嘗通五色泉郡人士見者必擢第故指風水第一處俳

徊久之方府治撤眞聖樓遂命工撥三閣增四廡而樓其北分北楹列五架而廡其西東低而狹起中央

而門其南如蜃之吐鼈之負龍之居空
灑中孰不欣觀而願游之既成矣予謂是郡由混一
以來吾夫子燕居無所春秋社稷無所顧陸名賢
宇亦無所於是樓之上以像燕居庭之中以增社稷
庶之左以位名賢庶之右以舍師儒與諸生乃勝日
西湖書院有疑者問曰謂三西湖皆不及杭誠古今
確論今杭有西湖書院是四其三者乎二其一者乎杭有
江亦有西湖書院是四其三者乎二其一者乎杭有
三賢堂於江亦有先賢堂杭無社稷壇松江有社稷
壇是規模果同乎果不同乎余應之曰比淡妝濃抹
之西子坐吸光飲淥之吳儂訪梅孤山問柳蘇隄抵
盡橋橫彩舫載歌舞而留宴賞固彼有而此無倚九
山照海之書堆環四塔插天之文筆市聲隔岸樓影
壓波吐雄文揮傑句呼清風而咽明月亦彼無而此
有且杭雖大不湖而城松江雖小不城而湖使教養
日興人材輩出不害其爲四西湖兩書院之稱也至
若奉先聖於斯祀先賢於斯而又祭土穀於斯正
學者禮義誠敬所當務可不知哉韓昌黎所謂自天
子至郡邑守長通得祀社稷與孔子及古之鄉先生
沒而祀於社者遺意也德奚疑因筆之爲記始元貞

元年四月畢八月莆士陳宏董其役買地之費
萬八千木瓦之費共二十萬有奇來者其勿壞
趙孟頫重建書院記元貞改元張公之翰來守政
本經術尤雅意文藝邑西南二里有積水相傳云晉
陸瑁家池志稱西湖乃創書院於其上大德辛丑朔
癸風大作壞棟宇越十有八年莫能復延祐六年廉
訪副使張公孫行部始至歷覽故址慨歎久之屬今
守汪公從善新之邑士佈君天驥輕財樂善遂以部
使者命延禮教勉之邵君欣然聽命度材鳩工閱歲
而禮殿成至治改元春張公國英以毘陵推官來宰
茲邑復勉邵君乃與其子彌遠猶子彌高勸相斯役
掄材於山埏甃於陶官無費財民不與役未數月以
竣事告像燕居於殿侑以顏曾申申天天儼若親衆
繪名賢先哲於廡之左舍師儒友生於廡之右與梁
前講堂後臨下達庖瀆纖悉不遺經始於延祐六
年二月落成於至治元年十月親舊制益闋既有加
是年十二月既望越三日巳郡侯率僚屬釋菜以
安神位簋豆秩秩矜佩鏘鏘獻酬升降動則有法蔚
乎文物之盛也士民觀者如堵咸有所感發而興起
焉乃輟俸買田二十畝邵君復捐田五十畝爲之倡

邦人慕義者亦捐田有差以邵君世主祠奉請置山
長員如章庶乎其傳久而無弊也邦人士請記其事
張錦論典復書院書蓋聞風俗變化繫乎人心日
新則風俗成矣夫民日日而新而莫知其新之路也
故願上之人善導之矣嘗試語塗人曰爾爲聖爲賢
未有不喜且狂也而未必時時有人焉告之也入墓
而哀入廟而欽愚民之所不沒也然人亦何能時時
行於墓對於廟乎此哀欽之一脈所以動而易絕也
自古王教之成也宗本而易其末導晦而復之明爲
之立學校義塾書院之屬皆時告之以聖賢之路而
其起其哀欽仁義不絕之心故夫小學洒掃而入義
塾師儒廣厲而人學校若夫書院之設歲日月爲之
會迎四方之高賢達士登講席質疑辨難以明其教
習雍容登進主客揖讓之儀以和其氣窮性命精微
推廣天地萬物一體以爲國家求學問之用故講習
熟而型模立心性開而志氣振其於民也者皆有報
然愧油然而興而不忍自甘於淫放者則愚所謂墟
不絕之脈而塗人入聖賢之路也今明公建節以來
江南毘陵海虞之開其風溫樸其人皆簡淡近理而
篤於學問者雖天性乎蓋亦明公作興書院講習而

僕之力也松澤國也地湖而人柔其野樸近理雖不
敢自後於他邑以負明教而靡傲日久無有卓然強
立肩道之重者生乎其間則書院之興起何可少也
今吾松黨庠之閒羣弟子而官師訓之薦紳不入席
也里社父老不與聞也遠方之高賢達士未嘗臨而
問也聲偶帖括鄙俚之言薰人而心性源頭未有豁
然言下者此吾松人物之所以益下也幸可教者則
此一點常新欲動之機塗人愚人而具有之此機不
引石火明滅究竟沈淪而不可救故願明公設書院
一路以講習型模之且松之書院如九峯西湖郡志
皆可考也九峯地器而不可復卽復之亦不可居西
湖之地一名谷水沿西郭而南地莽蕪而汗邪泗曲
羣木聳直尙存其先環碧泳波之遺意今已置爲棄
宅展轉賃住若官民相佐可捐而有也在元元貞爲
孔子燕居樓在元至治爲姚氏義塾在今日爲一郡
風水交結之地而又開曠無用同於樸社其文明一
派在人耳目復而創之易爲力也今郡縣廣厲之美
意且諄諄也薦紳歌舞以觀雖拮据不敢數也父老
子弟之喁喁固將時日以幾也竊聞非常之原難於
慮始明公以理學名世建節南土當風化之重精神

所驚元氣從之且膏雨之潤不擇萎枯陽和之暉寧
遺寒谷而今吾松僻壤一隅不獲與崑崙凌虞山共見
德化之盛觀禮樂道德之原是亦明公之所惻隱也
夫射之於廣漠也一人焉樹之招則衆逐而善射出
矣樹招者力也望洋而濟見艤舟焉而人競渡矣操
舟者益於濟也夫王教之成亦若此矣伏惟明公觀
於塗人聖賢之路明變化自然之道引石火之明而
大明於天下考籍按古興復書院廣講習教模式推
廣郡縣薦紳之美意以慰父老子弟喁喁之望仁澤
浹乎肌膚德教翔乎海隅明公之恩施與溼澤俱不
朽幸甚幸甚

求忠書院 卽舊鶴城書院在府署西普照寺西崇

禎中嘗設義塾於此今爲方正學祠

陳繼儒義塾記 古庠序之外又設義塾其法二十
五家爲間間中俊秀則延道德左右師訓迪之而因
行射飲讀教之禮所謂無地非學無人不學也後世
學校廢弛博士弟子員於有司日益親師長日益疏

而暇問及義塾平京山鄭侯初令青浦修葺青浦學
宮至是清理顧氏役田其中有義學若干畝租若干
石名存實亡壯館雀鼠侯慨然力任之謀於華亭諸
博士延陳茂才入求忠書院郡邑之俊秀授經
其中奇資異才者則錄其文以獻侯親加甲乙品
題而寒士莫不驤首翹足欣欣向風矣嘗考華亭義
塾頗多獨邵氏捐田二百十六畝有奇邵天驥創之
其子瀾堅成之也徐氏捐田一萬畝有奇徐進創之
又幸鄭侯饋廩塾師以成其後復爲顧光祿父子而
孤寒之士有所藉以長養吹噓卽後來慷慨好善願
爲徐邵之續者度不自顧光祿父子而止也化民成
俗大矣哉

日新書院 在府治東古亭橋北邱家灣知府孔友

教建崇禎中郡人錢大復講學於此廢

今

扶風義塾 在府治東一百二十步康熙二十一年

建知府魯超延郡博陸在新開講於此以淑郡人之賢俊雍正七年卽其地改建華亭節孝祠

夏氏義塾 在府治東南淨土橋東元郡人夏椿建

廢今

華亭社學 在城隍廟東願勻作勻非亭天順六年巡

按御史袁愷知府李惠禮請儒士錢潤爲師訓迪民間俊秀以備庠序弟子員缺天順七年督學御史嚴淦又於各鄉增置社學六十處教讀六十所生徒一千一百五十二名由是間閭莫不有學今廢

婁縣學 附華亭縣學順治十三年割華亭西界置

婁縣巡撫張中元請先設教職司儒學事分華亭弟子員之半隸之明年提學僉事張能鱗議建學宮檄府相度地理庀材繪圖隨據訓導馮瑄詳覆以婁治地無可者惟郡城沙水繁秀有濟農倉舊址及陸氏廢宅均稱吉土可立泮宮陸遂獻地瑄又舉生員張安美等立簿勸諭將事締構以工費甚鉅事久不成議遂寢仍與華亭共學今白析置以來一百五十餘年廟學修葺兩縣共之春秋丁祭朔望行香與夫新生之入學釋菜者長吏俱會同行禮諭者或病其闕然學有府州縣殊建之制學之爲政則將胥天下而

迪之於詩書禮樂而初無彼此畛域之見況夫同郭
聯井平居則相識考試可相通者哉婁士鼓篋來游
其毋以簡隘自畫焉可也

教諭署 在學宮左嘉慶七年教諭朱錦重修

師生員額 縣初建分華亭訓導領其事廩增各分
十名尋設教諭廩增各二十名後析金山縣設教諭
如故廩增復各分十名附學生員不限額 入學舊
額歲科兩試各取文童二十五名歲試并取武童十
五名析金山縣學後文童歲科試各取十三名武童
歲試取八名乾隆三十八年裁金山衛學以其額撥

各縣婁縣增取文武童各三名 歲貢舊例兩年一人析金山縣學後以新舊兩縣廩次合計充貢乾隆十九年學政雷鋹奏請兩學分貢每四年各貢一人學田 婁縣學原析華亭縣學田共八百五十六畝八厘三毫四絲乾隆二十九年分撥入松江府學田二百五十二畝三分二厘八毫分撥入金山縣學田八十八畝八分一厘七毫九絲現額學田五百十四畝九分三厘七毫五絲

雲閒書院 在西門外舊坊圖知府楊壽楠率屬建湖自宋設九峯書院元設西湖書院久已廢墜雲閒

書院之名見於明正德閒張弼東海集序而府志及華亭縣志無考

國朝乾隆十八年知府朱霖蔡長澐率屬捐買城內夏姓房屋爲書院因無經費未及延師課士且年久失修日就傾頽五十年知府楊壽楠銳意興舉俯允紳士張孝泉等公呈請建適舊坊圖有官房一百八楹據婁縣謝庭薰准紳商孫順元等捐庫紋銀一千三百兩請買爲書院遂相度形勢裁定規模飭紳士張隆孫何浦王璋等捐錢一千二百二十一文買近東民房改造大門修葺齋廚豫備用物五十二年告成

五十三年三月初二日關聘掌教入院考取生童肄業一切修脯膏火內外課程倣龍城書院條例通詳准行閱二十餘載知府康基田遷今所學見府時經費久充規條悉具創者難而因者易楊侯之去郡人其尸而祝之矣餘詳今書院

奉賢縣

縣學在縣署東南吳隅

雍正四年江蘇巡撫張楷奏分華亭東南境爲奉賢縣而未立學附華亭縣學春秋丁祭牲幣之儀兩邑任之釋奠祝號共署名而已時校官倣居郡城歲科新生入

學釋菜與生童月課往來舟楫病其闕焉閱三十餘年
至乾隆二十五年知縣任邱劉伯璵偕紳士等倡捐創
建於是奉邑始有廟學四十九年知縣王夢文重修五
十七年知縣王桂懷偕紳士周崧陳廷溥莊四德蔡丕
勳等捐貲重修明年建魁星閣於城之巽隅任其事者
監生顧累功也又監生陶用賓捐建學署齋房一所三
閒五十年邑人陳文疇捐田一百畝零八釐以爲歲修
之費

奉賢縣建學記 奉賢縣距府治東南九十里土高
而衍水澗以清昔者聖門言子曾至其地文學風流
至今未沫雍正四年析縣後閱三十五年廟學未立
校官僦居郡城一切典憲附華亭學乾隆二十五年

任邱劉君伯燠以名進士宰是邑引爲己任率先捐俸於是邑中人士如甕者起如菱者蘇成奔走踴躍上地於青村之巽隅紳士十有六人或捐費或督工而陳遇清宋源岷鄒孫三人之力爲多明年冬落成廟學如制惟麗牲之碑久而未立越五十二年而予束守是郡邑中耆獻以學宮碑記請予爲文予重違其意因諭於衆曰子游不云乎君子學道則愛人小人學道則易使也君子小入皆可學道願非收之幸序穀無由施秦邑之學建且新矣雖然願有復也今夫練宮精陳俎豆頒書籍董師儒朝廷之學也稽程課別情勤厚庫餽優禮貌有司之學也而皆非士之爲路禮以爲門廉恥以爲地忠信以爲基仁以爲宅義以爲階謀夫而後人心正風俗端絕學明真才出若乃瞻安宅舍正路圮基頽垣甚且倚聖賢之門戶以爲姦利是以學校爲淵藪也甚非子游居文學科然未有鮮德行而可言文學者多士勉乎哉海隅小邑亦賢風所過之區而風被鼓鐘之化者也副作人之意須風俗之成他時弦歌之聲際天無極驅車屬

邑予尙能爲都人士傾耳聽之嘉慶二
十年歲乙亥松江府知府朱如林記

廟制

大成殿奉祀

至聖先師孔子東西配位東西哲位東西兩廡從祀先儒

先賢位

詳府學
不具載

正殿五楹前爲月臺東西兩廡前爲大成門列戟如
制又前爲靈星門門外有二坊

東爲興賢
西爲育才

前爲泮池

儒學門在靈星門之東翼東西左爲鄉賢祠右爲名

宦祠進爲儀門又進爲明倫堂又進爲申義堂

崇聖祠奉祀位暨四配東西從祀位

俱同府學
不具載

文昌祠 乾隆五十八年邑人太學生顧累功建知

縣王桂懷有記

魁星閣

顧累功建

名宦祠

鄉賢祠

並同華亭縣學

忠義孝弟祠

訓導署 舊在郡城縣學東鴻遠坊內今移青村城
師生員額 初時華亭學設訓導一員析縣後分隸
本學廩生十名增生十名入學員額文童十二名武
童七名乾隆三十八年裁金山衛學以其額撥各縣

奉賢縣增取文武童各一名歲貢四年貢一人拔貢
生與華亭學合選

學田 共四百畝六釐

肇文書院 在青村城內嘉慶十年知縣艾榮松捐
銀五百兩率同紳士宋玉潤金祖錫吳祖泰戴元勳
勸捐創建嗣以經費不敷紳士復具呈各憲緩延山
長卽以本學教官兼司校閱奉准遵行文游書院同
文游書院 在南橋鎮南嘉慶十年知縣艾榮松偕
紳士陳廷溥陳廷慶韓楠陳俊等倡勸捐輸創建江
蘇巡撫汪志伊顏其堂曰道南

邑人陳文瑞捐田
一百畝助成之

潘塾義塾

廢今

明太學生唐質建陸樹聲記

西岡義塾

廢今

在沙岡西乾隆十四年監生顧丕承設

知縣李治灝記

金山縣

縣學在朱涇鎮文明里

雍正四年江蘇巡撫張楷奏分婁縣之南境爲金山縣
隨撥府學訓導領金山學事四年丙午卽以府學訓導
署爲金山縣學署在郡城府學宮後朔望行香生童月
課俱就華亭縣學先是順治十二年割華亭縣西界爲
婁縣與華亭共學至是復析奉賢仍因之而金山學附

爲四焉春秋丁祭銀由縣徵繳與婁縣統同行禮閱三十餘年廟學未建議者欲以金山衛學改爲縣學然非縣衛竝建之意雍正九年知府王喬林詳請未允乾隆二十五年知縣黃堅詳准巡撫陳宏謀題奏建立明年知縣楊宏聲偕閩邑紳士擇地興工閱兩載告成四十六年夏風雨壞繚垣學宮梁椽有弗支者知縣周世宅訓導劉大年偕紳士重修五十二年知縣王勸訓導黃考祥偕紳士重葺嘉慶十一年知縣鄭人康訓導段玉成貢生黃霆捐貲修葺戟門又增築界牆及便門十三年知縣鄭人康訓導周懷琢及紳士捐修學署明倫堂

石塘石橋濬支河

國朝知縣楊宏聲建縣學記 粵稽春秋凡興作必書重
民力也惟僖公泮水闕宮不書則以崇禮祀育人材
有困者之首務也金山分縣以來蒞治循城而司鐸
卽府學訓導爲之又未爲先師建廟遇春秋二丁
則與婁邑奉賢合祀於華亭縣學良以苟簡則衰
聖宏麗則傷財故因循而莫之舉也然春秋朔望有
司不能率屬行禮而義塾月課又以庠師在郡諸生
遠涉輻趨爲難歲已卯前巡撫部院桂林陳公博采
輿情知全民所不便具題特蒙
皇上俞允於是縣署移治朱涇並建學以備制度地方紳
士具呈於公謂無須發帑而以創建 聖廟并遷移
學署諸費自任咸蒙俯准而宏聲適承乏金山首捐
俸廉置地十九畝有奇於鈞難之西設局經理捐輸
雲集庠工鳩材經始於乾隆二十六年十月之吉兩
閱歲而廟與學次第告成學田之隸府學者皆學晉
寧李公據詳准分四百三畝有奇自此縣有學學有
廟廟有祭祀井有師資有膏火煥然其可觀矣
國家崇儒重道興賢育材縣必設學學必設廟而司牧與

司鐸者實力奉行必收百年樹人之效所謂濟濟多士文王以寧此之謂也我邑人士果能推此義舉日浮厲於聖賢之道則將來德業文章永垂不朽豈不於學有光哉是爲記乾隆二十八年十二月

廟制

大成殿奉祀

至聖先師孔子東西配位東西哲位東西兩廡從祀先儒

先賢位

詳府學不具載

正殿五楹前爲月臺東西兩廡中爲丹墀前爲大成

門列戟如制又前爲靈星門門外有二坊

東爲禮門西爲義路

前爲泮池池上有橋護以石塘儒學門在靈星門西

進爲儀門又進爲明倫堂左爲名宦祠右爲鄉賢祠

又進爲念典堂翼東西爲書齋後五楹旁爲東西廂
崇聖祠奉祀位暨四配東西從祀位

俱同府學
不具載

文昌祠

在鳳翔里嘉慶十年知縣鄭人康捐俸倡

建大殿三楹頭門二門并建兩廡及東西書房預備
桌櫬以便歲科文童應試十二年秋貢生黃霆捐田
十六畝六分零并捐考桌櫬九十副餘息於十六年
續置田二畝六分零十九年文生程杞捐三保十畝
田一畝四分零

名宦祠

鄉賢祠

並同
華樓

忠義孝弟祠

訓導署 在朱涇鎮乾隆二十六年與學宮同建

師生員額 舊松江府學設訓導一員析縣後分隸
本學廩生十名增生十名入學員額文童十二名武
童七名乾隆三十八年裁衛學以其額撥各縣金山
縣增取文武童各一名歲貢生每二年貢一名拔貢
生與婁縣學合選

學田 共四百四畝一分三厘七毫五絲九忽

邵氏義塾 在胥浦鄉

處士邵天驥建

元黃涇義塾記 翠巖處士邵君家華亭縣西南東
六十里胥浦之上遺世弗仕而志在澤物遇其鄉之

人委曲繼悉一以惠利又將使之修其孝弟忠信而
為士君子之歸忠夫去庠序之遠而其子弟無所於
學乃捐私錢卽所居之旁闢義塾聽以胥浦風淫仙
山三鄉之田二百十六畝有奇禮名士主其席聚里
中之俊秀而教育之二子彌遠彌堅克承君之志力
相其事君既高壽終彌堅尋卒而彌遠亦老矣懼來
者或墮其成則列其田之步畝鄉落以狀白於官示
不敢有且求鄉貢進士陸君景龍敘願未書之於石
以告後人俾永勿墜處士君誠所謂一鄉之善士而
其嗣又能汲汲焉迓續之如君之存弦誦之聲久而
愈振可以見君父子有功於斯文則其善之所及又
奚止一鄉而已哉處士君諱天驥字千里彌遠字子
猷彌堅字子固義塾建於元統二年之
夏四月其記則至正二年秋九月也

璜溪義塾 在呂巷溪元至元九年呂良佐建翰林

侍讀學士黃潛記良佐又嘗作應奎文會

附文會自序 國朝設科取士以明經及古賦詠
表策兼其才者亦難矣良佐生文明時稱慕鄉舉

選之盛輒於大比之際創立應奎文會邑大夫唐公
世英張公彥英明勳於上移以公牒鳴海內知名士
主文評者會稽楊公廉夫公又舉同評者雲間陸公
宅之東南之士以文投者七百餘卷中程者四十卷
蓋楊公蚤登高科其文力追西漢盛唐之作而山林
學者無不欲列名於其門故視他會爲獨盛不然士
之懷奇負氣不可以爵祿誘者甘於自闕其學況銖
金尺幣所能致哉今所選經正而文賦奇而法詔諱
章表各通其體策皆貫穿古今而有經世之略誠足
爲後代之繩尺已因毀諸梓以傳不朽至正十年七
序月

金山義學 在朱涇鎮雍正七年署金山知縣文鐸

奉文立

附金山衛學

乾隆三十八年
奏裁

明正統四年始令天下軍衛咸立廟學以迪武臣子

弟及伍符尺籍之秀者使有異才不局於一途著爲
令典於是巡撫工部侍郎周忱奉詔創立學舍地在
金山衛城之良隅篠館街北制與郡學同額設教授
一員訓導一員終明之世踵修增葺詳載前志

國朝因明之舊初以府學訓導領其事後更以教授百數

十年科名之盛與郡邑相埒

狀元戴有祺榜眼范域士皆隸衛籍蓋

國家教化之成所以薰陶而涵育之者固無殊致也初制
弟子員額文章二十名武童十五名與試人數不及
二百名取進較易自時厥後歲科兩試率皆民籍刺
取軍冊姓氏十名九詭遂有七邑通考之稱而弊不

可究詰矣乾隆二十五年部議以衛童縣試向由華亭令改歸衛守備錄送照中學例減進額爲十二名廩增各十二名從學政李因培請也是時蘇松所屬蘇州太倉鎮海鎮江四衛軍童已歸州縣應試金山衛事簡亦改爲金山幫并歸鎮海衛管理無金山衛之名而廟學如故也乾隆三十八年學政彭元瑞奏准裁汰衛學名目各就生童住址改歸各縣考試並照每縣人數多寡均勻撥額華亭婁縣兩匯各三名廩增如之奉賢金山上海各一名廩增如之已進廩增附俱撥歸住居之縣先儘實缺充補餘俱作爲候

廩候增照例新舊開補其考試冊卷仍注明軍民字樣今除每歲僉運尙稽編審餘亦不甚分別至廟祀現在係鎮海衛編銀衛守備行禮府學教授照舊列銜崇聖祠仍因舊制附近歲貢生員助祭典禮無闕然自奏裁以後修葺亦罕矣其學田書籍乾隆五十三年撥存雲間書院不具載

附金山衛祀名宦

松江府知府何繼之松江府同知李慕松江府推官黃洪昆督學御史楊宜巡撫御史夏邦謨巡按御史舒門華亭知縣朱執中金山衛學訓導蔣詵

附金山衛祀鄉賢

溫州府同知林恕景寧知縣沈可紹朥城知縣莫天洪

左所義塾

右所義塾

中前所義塾

中後所義塾

按衛志云衛初四所共建一塾其塾有中堂有後堂左右有翼屋周繚以垣有門成化丙申都指揮都勝建後四所皆設制如其初並宏治戊午指揮饒翁熊增建後皆廢正德中都指揮張奎重建復魏遜軍士子弟擇師教之令有成許入衛學士風由是益振

松江府志卷三十一終